





NALUNAARUTEQAR- TUSSAATITAANEQ

KIKKUT TAMARMIK NALUNAARUTEQAR-
TUSSAATITAAPPUT



NALUNAARUTEQARTUSSAATITAANEQ SUUA?

Kalaallit Nunaanni innuttaasut tamarmik nalunaaruteqartussaataapput. Meeqqamik 18-it ataallugit ukiulimmik assersuutigalugu persuttagaaneranut, kinguaassiuutitigut kanngutsaatsuliorfigineqarneranut allatigulluunniit ulorianartorsiortinneqarneranut ilisimasaqaruit innuttaasutut pisussaavutit tamanna kommunerisannut nalunaarutigissallugu.

Meeqqat innarluutillit suli annerungaartumik pissutsinut taamaattunut aarlerinartorsiorput. Meeqqat innarluutillit atugarliornertik pillugu oqaatigiuminaatsinnerusinnaavaat, taamaattumillu meeqqat innarluutillit atugarliornerannik pasitsaassaqarnermi annerusumik sissuernerunissaq pingaaruteqarpoq.

Nalinginnaasumik aamma sakkortusisamik nalunaaruteqartussaataasoqarpoq.

Kommune nalunaarummik tigusaqaruni iliuuseqarnissamik pisussaaffeqarpoq. Tamatuma saniatigut kommune nalunaarummik tigusaqaruni nalunaarutip tiguneraniit kingusinnerpaamik sapaatip akunnerata ataatsip qaangiunnerani nalunaarutip tiguneranut uppersarnissaanut pisussaaffeqarpoq.

Tamatuma kingorna kommunep misissuinissamik pisariaqartoqarnersoq nalilersussavaa. Misissuinerup takutissavaa meeqqamut eqqortumik tapersersuinissamik aamma iliuusissanik aallartitsisoqassanersaq. Kommunip meeraq meeqqallu qanigisai misissuinermi iliuusissatullu pilersaarusiornermi peqataatissavai.

NALINGINNAASUMIK NALUNAARUTEQARTUSSAATITAANEQ SUUA?

Inatsisartut inatsisaat nr. 20, 26. juni 2017-imeersumi § 15-mi allaqqavog, innuttaasoq kinaluunniit, meeraq inuunermini atugarliortoq, peqqissusia ineriartorneraluunniit ulorianartorsiortinneqartoq ilisimaguniuk kommunimut nalunaaruteqarnissaminut pisussaaffeqartoq.

Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-meersumi § 32-mi nalunaarutiginnittussaataaneq aamma allaatigineqarpoq. Inuup innarluutillip atugarissaarneranut, peqqissusaanut imaluunniit ineriartorneranut navianartorsiortitsisumik atugaqartinneqartoq innuttaasup paasiguniuk kommunalbestyrelsimut nalunaaruteqarnissani pisussaaffigaa. Pissutsit makkuusinnaapput: paarsinerlunneq, timikkut imaluunniit tarnikkut persuttagaaneq aamma kinguaassiutikkut kannguttaatsuliorfigitinneq.

Nalunaaruteqarnermi atit aamma oqarasuaativit normua allannginneratigut kinaassutsit isertorsinnaavat. Atilli paasisutissallu allat nalunaarutigigukkit kinaassutsit isertorsinnaajunnaassaaq. Isumannaatsumiinnissat imaluunniit nalunaarutigineqartunut attaveqarniarnerit attatiinnarniarlugu kinaassutsit isertuunnissaanut pitsaassaaq. Illuatungaanili atit ilisimatitsissutigigukku suliامي ammasumik periuseqarneq aamma ilaatigut pitsaanerusumik sularineqarneranik kinguneqarsinnaavoq.



SAKKORTUSISAMIK NALUNAARUTEQARTUSSAATITAANEQ SUUA?

Inatsisartut inatsisaat nr. 20, 26. juni 2017-imeersumi § 16-mi allaqqavoq, innuttaasoq kinaluunniit isumaginnittoqarfimmi, atuarfeqarfimmi, peqqinnissaqarfimmiluunniit sulisutut sulinermi nalaani meeqqamik ikiorserneqarnissamik pisariaqartitsisumik ilisimasaqaleruni kommunimut ingerlaannartumik nalunaaruteqarnissaminut sakkortusisamik pisussaaffeqartoq.

Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersoq § 33-mi allaqqavoq, isumaginnittoqarfinni, peqqinnissaqarfinni ilinniartoqarfinnilu sulisut, inuk innarluutilik tapersiivigineqarnissamik pisariaqartitsisoq, inuussutissarsiutigalugu sulinerminnut atatillugu sulisup paasiguniuk kommunemut nalunaaruteqarnissamik pisussaaffeqartoq.

Sulisutut ernumassutsitit pillugit ilaatigut aqutsisunnik oqaloqateqarsinnaavutit. Tamatuma kingorna qanoq iliuuseqartoqarsinnaanersoq aalajangiisinnaavusi.

Aamma isumakuluutisi pillugit meeqqap qanigisai oqaloqatigisinnaavasi. Meeqqap pisariaqartitai suleqatigiilluarnikkut ikioqatigiilluarnikkullu pingaarnerpaajussapput.

Eqqaamajulli meeqqap qanigisai timikkut tarnikkulluunniit persuttaaneranik imaluunniit kinguaassiuutitigut kannguttaatsuliorneranik pasitsaassaquaruit ilisimasaquaruilluunniit meeqqap qanigisaanik oqaloqateqassannginnavit.

QANOQ NALUNAARUTEQASSAANGA?

Nalunaarutiginninneq ilaatigut makkuninnga
paasissutissanik imaqassaaaq:

- Meeqqap nalunaarutiginnissutigineqartup atia aamma inuttut normua
- Paasissutissat meeqqamut tunngasut
- Nalunaarutiginninnermut tunngavigisaq
- Meeqqap ineriartorneranut paasissutissat tunngaviusut
- Meeqqap nammineq oqaatigisai
- Meeqqap atugarisaanut tunngasut
- Angajoqqaanik suleqateqarnermik paasissutissat

Meeqqanik inuusuttunillu sullissisuuguit
nalunaaruteqartussaataitaanerillu malinngikkukku suliffinnik
paarsinerlunnermik tamanna nalilernerqarsinnaavoq
pinerluttulerinermilu inatsit malillugu
pineqaatissinneqarsinnaallutit.

Sakkortusisamik nalunaaruteqarsinnaatitaaneq
nipangiussisussaataitaanermit salliuvoq.



UAGUTSINNUT TUNNGASUT

Innarluutillit pillugit oqaaseqartartoqarfik Tilioq
politikkikkut attuumassuteqanngilaq Namminersorlutik
Oqartussat ataanni inissisimasoq.

Tiliup suliassaraa Kalaallit Nunaanni inuit innarluutillit
pisinnaatitaaffii qulakkiissallugit siuarsassallugillu.
Apeqqutissaqaruit uunga attaveqarnissannut
tikilluaqqusaavutit:

TILIOQ

Aqqusinersuaq 48, 1. sal

Boks 3081

3911 Sisimiut

ATTAVIGISIGUT

Oqaras.: + 299 34 50 10 / +299 55 19 50

Mail: info@tilioq.gl

www.tilioq.gl



TILIOQ